

ХУҚУҚБУЗАРЛИКЛАР ПРОФИЛАКТИКАСИДА ФУҚАРОЛАРНИНГ ХУҚИЙ ОНГИ ВА ХУҚУҚИЙ МАДАНИЯТИНИ ЮКСАЛТИРИШНИНГ ХУҚУҚИЙ АСОСЛАРИ.

ЎЗБЕКИСТОН РЕСПУБЛИКАСИ
ИЧКИ ИШЛАР ВАЗИРЛИГИ АКАДЕМИЯСИ
3-КУРС 308-ГУРУХ КУРСАНТИ
МАЖИДОВ АКОБИР АБДУҚАҲҲОРОВИЧ
akobirmajidov02@gmail.com

АННОТАЦИЯ

Ушбу мақолада ҳуқуқбузарликлар профилактикасида фуқароларнинг ҳуқуқий онги ва ҳуқуқий маданиятини юксалтиришнинг ҳуқуқий асослари, ушбу муносабатларни тартибга солувчи норматив-ҳуқуқий ҳужжатлар тизими ҳамда ушбу фаолиятни такомиллаштиришга доир таклиф ва тавсиялар ишлаб чиқилган.

Бундан ташқари, профилактика инспекторининг фуқароларнинг ҳуқуқий онги ва ҳуқуқий маданиятини юксалтиришда норматив актлардаги мавжуд муаммо ва камчиликлар ҳамда ушбу муаммо ва камчиликларни бартараф этиш буйича бир қатор таклифлар ҳамда ҳориж тажрибалари ўрганиб чиқилиб, уларнинг Ўзбекистон Республикаси қонун ҳужжатлари асосида таҳлили ва бир қатор таклиф ва мулоҳазалар бериб ўтилган. Юқорида келтириб ўтилган жиҳатлардан фойдаланган ҳолда ушбу фаолиятни такомиллаштириш йўналишлари ёритиб берилган.

КАЛИТ СЎЗЛАР: Ҳуқуқий онг, ҳуқуқий маданият, Конституция, қонунлар, вазирлик, давлат органлари, жамоатчилик.

ANNONATION

In this article, the legal basis for raising the legal consciousness and legal culture of citizens in the prevention of crimes, the system of regulatory legal documents regulating these relations, and suggestions and recommendations for improving this activity have been developed.

In addition, the existing problems and deficiencies in the normative acts and a number of suggestions for eliminating these problems and deficiencies, as well as foreign experiences of the prevention inspector in raising the legal consciousness and legal culture of citizens, were studied, their analysis was made based on the legislation of the Republic of Uzbekistan, and a number of suggestions and comments were given. . Using the aspects mentioned above, directions for improvement of this activity are highlighted.

KEY WORDS: Legal consciousness, legal culture, Constitution, laws, ministry, state bodies, public

АННОТАЦИЯ

В данной статье разработаны правовая основа повышения правового сознания и правовой культуры граждан в сфере профилактики преступлений, система нормативных правовых документов, регулирующих эти отношения, а также предложения и рекомендации по совершенствованию этой деятельности.

Кроме того, были изучены существующие проблемы и недостатки нормативных актов и ряд предложений по устранению этих проблем и недостатков, а также зарубежный опыт инспектора по профилактике в повышении правового сознания и правовой культуры граждан, проведен их анализ. составлено на основе законодательства Республики Узбекистан, а также дан ряд предложений и замечаний. Используя упомянутые выше аспекты, выделены направления совершенствования данной деятельности

КЛЮЧЕВЫЕ СЛОВА: Правосознание, правовая культура, Конституция, законы, министерство, государственные органы, общественность

Бизга яхши маълумки, Ички ишлар органлари ўз фаолиятларини Ўзбекистон Республикаси Конституцияси, Ўзбекистон Республикасининг 2014 йил 14-майдаги “Хуқуқбузарликлар профилактикаси тўғрисида”ги қонуни, 2010 йил 29-сентябрдаги “Вояга етмаганлар ўртасида назоратсизлик ва хуқуқбузарликлар профилактикаси тўғрисида”ги қонуни, 2016 йил 16 сентябрдаги “Ички ишлар органлари тўғрисида”ги қонуни, 2016 йил 14 сентябрдаги “Ёшларга оид давлат сиёсати тўғрисида”ги қонуни, 2019 йил 2 апрелдаги “Жазони ижро этиш муассасаларидан озод қилинган айрим тоифадаги шахслар устидан маъмурий назорат тўғрисида”ги қонуни, 2019 йил 2-сентябрдаги “Хотин-қизларни тазйиқ ва зўравонликдан химоя қилиш тўғрисида”ги шу каби ва бошқа қонунлар, Ўзбекистон Республикаси Олий Мажлисининг қарорлари, Ўзбекистон Республикаси Президентининг фармон, қарор ва фармойишлари, Вазирлар Маҳкамасининг қарорлари, Ички ишлар ва Адлия вазирлигининг буйруқлари ва кўрсатмалари асосида олиб боради.

1997 йил 29-августда мамлакатимизда инсон ҳуқуқларини ва манфаатларини таъминлаш, ижтимоий ҳаётни демократлаштириш учун шартшароитлар яратиш ва ҳуқуқий давлат асосларини шакллантириш заруриятидан келиб чиққан ҳолда, “Жамиятда ҳуқуқий маданиятни юксалтириш Миллий дастури” қабул қилинди. Ушбу ҳужжат асосида ўтган йиллар мобайнида жамиятда ҳуқуқий маданиятни юксалтириш бўйича чоратадбирлар амалга оширилди.

Ўзбекистон Республикаси Президентининг 2019 йил 9-январдаги “Жамиятда ҳуқуқий онг ва ҳуқуқий маданиятни юксалтириш тизимини тубдан такомиллаштириш тўғрисида”ги ПФ-5618-сонли фармони билан мамлакатимизда Жамиятда ҳуқуқий онг ва ҳуқуқий маданиятни юксалтиришнинг янги даври белгиланди. Ушбу фармон асосида “Юксак ҳуқуқий маданият - мамлакат тараққиёти кафолати” деган эзгу ғоя асосида Жамиятда ҳуқуқий маданиятни юксалтириш концепцияси тасдиқланди.

Профилактика инспекторининг фуқароларнинг ҳуқуқий онги ва ҳуқуқий маданиятини юксалтириш фаолияти “Ички ишлар органлари тўғрисида”ги қонуннинг 7-моддасида Ички ишлар органларининг ҳуқуқлари сифатида жамиятда ҳуқуқий онг ва ҳуқуқий маданиятни юксалтиришга доир ишларда иштирок этиш ҳамда яна бир норматив ҳуқуқий ҳужжат бўлмиш Ҳуқуқбузарликлар профилактикаси тўғрисидаги қонунининг 9-моддасида ҳуқуқбузарликлар профилактикасини бевосита амалга оширувчи органлар сифатида ички ишлар органлари белгиланган.

Жумладан, “Ички ишлар органлари тўғрисида” ги Ўзбекистон Республикаси қонунининг 1- боби 2- моддасида Ички ишлар органларининг асосий вазифалари сифатида фуқароларнинг ҳуқуқлари, эркинликлари ва қонуний манфаатларини, жисмоний ва юридик шахсларнинг мулкани, конституциявий тузумни ҳимоя қилишдан, қонун устуворлигини, шахс, жамият ва давлатнинг хавфсизлигини таъминлашдан, шунингдек ҳуқуқбузарликларнинг олдини олиш ва профилактикасидан иборатлиги белгилаб қўйилган.

Ички ишлар органлари фаолиятининг асосий йўналишлари эса Қонуннинг 4- моддада қуйидагича белгиланган:

Ички ишлар органлари фаолиятни ўз ваколатлари доирасида қуйидаги асосий йўналишлар бўйича амалга оширади:

фуқароларнинг ҳуқуқлари, эркинликлари ва қонуний манфаатларини ҳимоя қилиш;

жамоат тартибини сақлаш ва жамоат хавфсизлигини таъминлаш; терговга қадар текширувни, тезкор-қидирув фаолиятини амалга ошириш, жиноят ишлари бўйича суриштирув ҳамда дастлабки терговни ўтказиш; жиноятчилик ва терроризмга қарши курашиш, шу жумладан террорчилик ҳаракатларига чек қўйишда ҳамда гаровга олинганларни озод қилишда иштирок этиш йўли билан курашиш, шунингдек одам савдосига қарши курашиш; ҳуқуқбузарликлар профилактикаси, уларнинг сабабларини ва содир этилишига имкон бераётган шарт-шароитларни аниқлаш ҳамда бартараф этиш, ҳуқуқбузарликларни содир этишга мойил шахсларни аниқлаш;

қонун ижодкорлиги фаолиятида ҳамда жамиятда ҳуқуқий онг ва ҳуқуқий маданиятни юксалтиришга доир ишларда иштирок этиш белгиланган.

Адлия вазирлиги ўз фаолиятини қонунлар, қарорлар, буйруқлар ва кўрсатмалар асосида олиб боради. Адлия вазирлигининг фуқароларнинг ҳуқуқий онги ва ҳуқуқий маданиятини юксалтириш ҳамда ҳуқуқий ахборотларни тарқатиш бўйича ҳуқуқ ва мажбуриятлари Ўзбекистон Республикаси Президентининг 2018 йил 13-апрелдаги ПҚ-3666-сон қарорининг 1-илоvasи Ўзбекистон Республикаси Адлия вазирлиги тўғрисидаги Низомнинг 1-боби 8 ва 9-бандларида куйидагича белгилаб қуйилган:

ҳуқуқий тарғиботни амалга ошириш, аҳолига қабул ташкилотлари билан биргаликда қабул қилинган ҳужжатларнинг норма ва қоидаларини аҳолига тушунтириш бўйича намунавий ҳужжатлар йиғиндисини тайёрлайди; қонун ҳужжатларининг мазмуни ва моҳиятини тушунтириб берувчи материалларни тайёрлайди, уларни аҳоли ўртасида, шу жумладан оммавий ахборот воситалари ва Интернет тармоғи орқали тарқатади; давлат органлари ва ташкилотлари, нодавлат нотижорат ташкилотлар ва оммавий ахборот воситаларини жалб қилган ҳолда жамиятда ҳуқуқий билимларни тарғиб қилишни ташкил этади; ҳуқуқий ахборотни тарқатиш ва ундан фойдаланишни таъминлаш: давлат органлари ва ташкилотларининг ҳуқуқий ахборотни тарқатиш ва ундан фойдаланиш имкониятини яратиш соҳасидаги фаолиятини мувофиқлаштиради, услубий раҳбарликни ва назоратни амалга оширади; норматив-ҳуқуқий ҳужжатлар ва тегишли ахборот-таҳлилий материалларнинг барча давлат органлари ва ташкилотларига ўз вақтида етказилишини таъминлайди; ҳуқуқий ахборотни йиғиш, қайта ишлаш ва таҳлил қилишнинг дастурий-техник воситалари ва технологиялари жорий этилишини ташкил қилади; давлат органлари ва ташкилотларини зарур норматив-ҳуқуқий ҳужжатлар билан таъминлаш чораларини кўради; Ўзбекистон Республикаси қонун ҳужжатлари маълумотлари миллий базасини яратиш ва сақлашни ташкил қилади, юридик ва жисмоний шахсларнинг ундан фойдаланишини белгиланган тартибда таъминлайди; норматив-ҳуқуқий ҳужжатларни, шу жумладан норматив-ҳуқуқий ҳужжатларни эълон қилишнинг расмий манбаи ҳисобланган «Ўзбекистон Республикаси қонун ҳужжатлари тўплами», шунингдек Ўзбекистон Республикаси Ташқи ишлар вазирлиги билан биргаликда «Ўзбекистон Республикаси халқаро шартномалари тўплами»нинг расмий нашр этилишини ташкил этиш каби вазифалар белгилаб ўтилган.

Хозирги даврда профилактика инспекторининг фуқароларнинг ҳуқуқий онги ва ҳуқуқий маданиятини юксалтиришни тартибга солувчи норматив ҳуқуқий ҳужжатларнинг асосийси “Жамиятда ҳуқуқий онг ва ҳуқуқий маданиятни юксалтириш тизимини тубдан такомиллаштириш тўғрисида”ги Ўзбекистон Республикаси Президентининг 2019 йил 9-январдаги ПФ-5618-сонли фармони ҳисобланади. Ушбу фармоннинг муҳим жихати шундаки,

фармоннинг 5-бандида Ўзбекистон Республикаси Адлия вазирлиги жамиятда ҳуқуқий онг ва ҳуқуқий маданиятни юксалтириш соҳасида мувофиқлаштирувчи адават органи этиб белгиланган ва Ўзбекистон Республикаси Адлия вазирлигига қуйидаги қўшимча вазифалар юклатилган:

ижрочилар ва аҳолини қонунчиликнинг мазмун-моҳияти ва аҳамияти тўғрисида хабардор қилишнинг сифатини тубдан ошириш, ушбу фаолиятни ташкил қилишда принципиал янги ёндашувларни ишлаб чиқиш бўйича комплекс чора-тадбирларни амалга ошириш; давлат органлари ва ташкилотларнинг ҳуқуқий ахборотдан кенг қўламда фойдаланишини таъминлаш, уларнинг ушбу соҳада фуқаролик жамияти институтлари ва оммавий ахборот воситалари билан самарали ҳамкорлик қилиш бўйича фаолиятини мувофиқлаштириш; давлат органлари ва ташкилотлар томонидан ҳуқуқий тарғибот ва маърифат бўйича олиб борилган ишларни ўрганиш, шунингдек, уларнинг ушбу йўналишдаги фаолиятини такомиллаштириш бўйича тавсиялар тайёрлаш; аҳолининг турли қатламлари, шу жумладан, тадбиркорлар ва ёшларнинг ахборотга бўлган эҳтиёжларини ҳисобга олган ҳолда ҳуқуқий тарғиботни амалга оширишнинг замонавий механизмларини жорий этиш бўйича таклифлар ишлаб чиқиш; ижрочилар ва аҳолини қонунчиликнинг моҳияти ва аҳамияти тўғрисида хабардор қилишнинг сифатини тубдан яхшилаш мақсадида кенг жамоатчилик фикрини ўрганиш, таҳлил қилиш, ушбу соҳада ишларни янада такомиллаштириш борасида таклифлар ишлаб чиқиш белгиланган.

Ўз навбатида ушбу Фармон билан Ўзбекистон Республикаси Адлия вазирлигининг қуйидаги бир қанча таклифлари ҳам маъқулланган:

Ўзбекистон Республикасининг қонун ҳужжатлари маълумотлари миллий базаси ҳамда қўшимча ҳуқуқий маълумотлар (юридик луғат, ҳуқуқий адабиётлар электрон майдончаси, қонун ҳужжатлари лойиҳалари муҳокамаси бўйича онлайн форум ва бошқалар) етказиш тизимини ўз ичига оладиган Ўзбекистон Республикасининг миллий ҳуқуқий интернет порталини яратиш; аҳолига бепул маслаҳат бериш порталини ўз ичига олган Advice.uz ҳуқуқий ахборот тизимини яратиш;

умумтаълим мактаблари ва академик лицейларда ҳуқуқий билимларга доир ўқув машғулотлари қўламини янада кенгайтириш;

аҳолининг кундалик ҳаётида кўп учрайдиган ҳуқуқий масалалар юзасидан савол жавоб тарзидаги қўлланмаларни тайёрлаш ва хонадонларга бепул тарқатиш; аҳолининг ҳуқуқий онги ва ҳуқуқий маданиятини юксалтиришга муносиб ҳисса қўшган давлат органлари ва ташкилотлар ходимларига аҳолининг ҳуқуқий саводхонлигини оширишда кўрсатган хизматлари учун топшириладиган «Ҳуқуқий тарғибот ишлари аълочиси» кўкрак нишонини таъсис этиш.

Профилактика инспекторининг фуқароларнинг ҳуқуқий онг ва ҳуқуқий маданиятини юксалтиришдаги вазифалар Ўзбекистон Республикаси Президентининг 2019 йил 9-январдаги “Жамиятда ҳуқуқий онг ва ҳуқуқий маданиятни юксалтириш тизимини тубдан такомиллаштириш тўғрисида” ги ПФ 5618-сонли фармонида ҳам ўз аксини топган бўлиб фармоннинг 1-бандида қуйидагича белгиланган:

Қуйидагилар жамиятда ҳуқуқий онг ва ҳуқуқий маданиятни юксалтиришнинг асосий вазифалари этиб белгилансин:

аҳолига мамлакатимизда амалга оширилаётган ижтимоий-иқтисодий ислохотлар, қабул қилинаётган қонун ҳужжатлари ва давлат дастурларининг мазмуни ва моҳиятини изчил етказиш тизимини шакллантириш, фуқаролар онгида «Жамиятда қонунларга ҳурмат руҳини қарор топтириш – демократик ҳуқуқий давлат қуришнинг гаровидир!» деган ҳаётий ғояни мустаҳкамлаш; жамиятда ҳуқуқий онг ва ҳуқуқий маданиятни юксалтиришда, энг аввало, таълим-тарбиянинг тизимли ва узвий равишда олиб борилишига алоҳида эътибор қаратиш, мактабгача таълим тизимидан бошлаб, аҳолининг барча қатламларига ҳуқуқий онг ва ҳуқуқий маданиятни чуқур сингдириш, шахсий манфаатлар ҳамда жамият манфаатлари ўртасидаги мувозанатни сақлаш ғояларини кенг тарғиб қилиш;

ёш авлод онгига ҳуқуқ ва бурч, ҳалоллик ва поклик тушунчаларини ҳамда одоб-ахлоқ нормаларини чуқур сингдириб бориш, Конституциянинг муҳим жиҳатларини уларга болалигидан бошлаб ўргатиш; аҳоли ўртасида ҳуқуқий маданиятни шакллантириш бўйича ҳуқуқий-маърифий тадбирларни халқимиз тарихи, дини, миллий қадриятларини ўргатиш билан уйғун ҳолда ташкил қилиш, шунингдек, ҳар бир фуқарода давлат рамзлари билан фахрланиш туйғуларини шакллантириш орқали мамлакатга дахлдорлик, ватанпарварлик ҳиссини кучайтириш; давлат хизматчиларининг ҳуқуқий онги ва ҳуқуқий маданиятини юксалтириб бориш, уларда коррупция ва бошқа ҳуқуқбузарликларга нисбатан муросасизлик муносабатини шакллантириш; давлат ҳокимияти ва бошқаруви органлари, шу жумладан, ҳуқуқни муҳофаза қилувчи органлар ҳамда фуқаролик жамияти институтларининг манзилли ҳуқуқий тарғиботни амалга ошириш борасидаги ўзаро ҳамкорлигини мустаҳкамлаш; жамиятда ҳуқуқий онг ва ҳуқуқий маданиятни оширишга доир тадбирларни ташкил этишда ижтимоий шериклик принципларидан кенг ва унумли фойдаланишни тизимли асосда йўлга қўйиш; оммавий ахборот воситаларининг ҳуқуқий ахборот билан таъминлашдаги ролини ошириш, ҳуқуқий тарғиботнинг инновацион усулларида кенг фойдаланиш, шу жумладан, веб-технологияларни қўллашни кенгайтириш; юридик таълимни такомиллаштириш, шунингдек, юридик кадрларни тайёрлаш, қайта тайёрлаш ва уларнинг малакасини ошириш тизимини

ривожлантириш; жамиятда ҳуқуқий онг ва ҳуқуқий маданиятни юксалтиришнинг илмий асосларини чуқур тадқиқ этиш.

«Юксак ҳуқуқий маданият — мамлакат тараққиёти кафолати» деган концептуал ғоя асосида аҳолининг барча қатламлари ҳуқуқий саводхонликка эришишлари, юксак даражадаги ҳуқуқий онгга эга бўлишлари ҳамда ҳуқуқий билимларини кундалик ҳаётда қўллай олишлари учун тизимли ва кенг қамровли ҳуқуқий тарғибот тадбирларини ташкил қилиш давлат органлари ва ташкилотларнинг устувор вазифаларидан бири этиб белгилаш. Профилактика инспекторининг фуқароларнинг ҳуқуқий онг ва ҳуқуқий маданиятини юксалтиришнинг аҳамияти, Ушбу фармон билан жамиятда ҳуқуқий онг ва ҳуқуқий маданиятни юксалтириш «шахс — оила — маҳалла — таълим муассасаси — ташкилот — жамият» принципи бўйича тизимли ва узвий ташкил этилиши белгиланди. ҳам юклатилган.

Ушбу қабул қилинган норматив-ҳуқуқий ҳужжатлар асосида жойларда тегишли давлат органлари билан ҳамкорликда ишлар ташкил этилди ва амалга оширилган чора-тадбирлар ўз самарасини бериб келмоқда. Жумладан, 2023 йил якуни бўйича республикада мавжуд 9022 та маҳалланинг 25,5 фоизида (2301 та) жиноят содир этилишига йўл қўйилмади. Аҳоли орасида жумладан, вояга етмаганлар, ёшлар ва аёллар томонидан жиноят содир ҳолатлари кескин камайишига эришилди.

Янги қонун ҳужжатларининг мазмун-моҳиятини аҳолига етказиш бўйича 200 дан ортиқ ахборот-таҳлилий ва обзорли медиа материаллар ва видеороликлар тайёрланиб, 2 500 дан ортиқ теле- ва радиокўрсатувлар ҳамда воқеа жойидан 400 та репортажлар тайёрланиб эфирга ва Интернет тармоғига узатилган. Адлия вазирлиги бошқа идораларнинг ҳуқуқий тарғибот соҳасидаги фаолиятини мувофиқлаштириб боришини ҳисобга олиб, давлат органлари ва ташкилотлари томонидан 2019 йилда 530 мингга яқин тарғибот тадбирлари ўтказилди (1,7бараварга ўсди) Шунингдек, ахборот технологияларини кенг қўллаган ҳолда ҳуқуқий тарғиботнинг инновацион усулларида кенг фойдаланилмоқда.

Вазирлик ва идоралар ходимларининг ҳуқуқий билимларини ошириш мақсадида 22 та давлат органлари ходимлари тўлиқ ўқитилиб, журналистлар ва оммавий ахборот воситалари вакиллари учун бепул ҳуқуқий маслаҳат курслари ташкил қилиниб, соҳа вакилларида 375 нафари ўқитилди.

Шу билан бирга, аҳоли кўп кўтараётган муаммоли масалалар, яъни миграция, моддий ёрдам, ер, уй-жой олиш, коммунал хўжалик, имтиёзлар, алимент, ишга жойлашиш, таълим олиш ва бошқалар бўйича ҳуқуқий тарғибот жадаллаштирилганлигини, бунда оддий тилда қонунчиликни тушунтиришга эътибор қаратилиб, буклет, флаер ва плакатлар шаклида аҳолига 1 ярим миллион

нусхада тарқатилди. Ўз навбатида, ҳуқуқий тарғиботда янги лойиҳалар амалга оширилиб Интернет тармоғида аҳолининг ҳуқуқий саводхонлиги ва маданиятини оширишга хизмат қилувчи 5 та ҳуқуқий портал ишлаб чиқилди. Бугунги кунда ушбу порталлар аҳолига бепул ҳуқуқий маслаҳат бериш бўйича салмоқли ишларни амалга оширмоқда. Жумладан, илғор жорижий тажрибани ўрганган ҳолда, Буюк Британия давлатининг тажрибаси асосида яратилган, турли ҳаётий ҳолатлар бўйича Advice.uz (e-maslahat.uz) ҳуқуқий портали орқали шу кунга қадар 130 минг нафардан ортиқ шахсга бепул ҳуқуқий маслаҳат ва тушунтириш берилганлиги, ёш болалар учун яратилган “Volahuquqlari.uz” электрон сайтидан 3 500 нафардан ортиқ шахс фойдаланганлиги, аҳолига ҳуқуқий ахборотларни таҳлилий тарзда етказишга қаратилган hudud24.uz янгиликлар веб-сайти ишга туширилганлиги ялпи мажлис иштирокчилари эътиборига хавола этди.

Коронавирус пандемияси муносабати билан жиддий синовлар даври бўлди. Шу муносабат билан янгича тартиблар, қонун-қоидалар ва умуман, ўзгача турмуш тарзини юзага келтирди. Шундан келиб чиқиб, пандемия пайтида фуқароларнинг ҳуқуқларини ҳимоя қилиш ва уларга ҳуқуқий тушунтиришлар бериш тизимини яратдик. Жумладан, фуқароларнинг ҳуқуқий маслаҳатга бўлган эҳтиёжини масофавий тарзда қондириш мақсадида @huquqiy_maslahatbot, @notarius, @davxizmataloqa_bot каби телеграм ботлари очилиб, улар орқали фуқароларнинг масофадан туриб йўллаган саволларига ҳуқуқий тушунтиришлар ва маслаҳатлар бериб борилди. Биргина @huquqiy_maslahatbot боти орқали шу кунга қадар фуқароларнинг 6 мингга яқин саволларига ҳуқуқий тушунтиришлар берилганлиги таъкидланди.

Ушбу фаолият доирасида масъуллар томонидан телевиденида 11 мингдан ортиқ чиқиш қилинган, 13 мингдан ортиқ нусхада плакатлар, буклет ва флаерлар аҳолига тарқатилганлиги, 1415 та ахборот-таҳлилий ва образли медиа материаллари ва видеороликлар тайёрланиб ижтимоий тармоқларда, телевиденида ва бошқа ОАВларда тарқатилаганлиги маълумот сифатида бериб ўтилди.

ХУЛОСА

Хулоса ўрнида шуни айтиш керакки профилактика инспекторининг фуқароларнинг ҳуқуқий онги ва ҳуқуқий маданиятини юксалтиришда ушбу фаолиятни тартибга солувчи ҳуқуқий асослардаги мавжуд муаммо ва камчиликлар ҳамда ушбу муаммо ва камчиликларни бартараф этиш бўйича бир қатор таклифлар ҳамда ҳориж тажрибалари янада кўпроқ ўрганиб чиқилиши муҳим ҳисобланади. Бундан ташқари, “Профилактика инспекторининг мақоми

тўғрисида”ги Қонуннинг қабул қилинишини таклиф сифатида келтириб ўтишим мумкин ҳисобланади. Чунки айнан ушбу Қонун қабул қилиниши асосида профилактика инспекторларининг ҳуқуқий мақоми аниқ, узил-кесил белгилаб қўйилади. Профилактика инспекторлари ҳудудда мактаб, коллеж ва лицейларда фуқароларнинг ҳуқуқий онги ва ҳуқуқий маданиятини юксалтиришда тарғибот-ташвиқот ишларини доимий равишда олиб боришлари ҳуқуқбузарлик ва жиноятларнинг содир этилиш хавфини сезиларли даражада камайтиради.

Фойдаланилган адабиётлар:

1. Ўзбекистон Республикасининг Конституцияси
2. ”Ҳуқуқбузарликлар профилактикаси тўғрисида” ги Қонун. 2014-йил 14-май.
3. Ўзбекистон Республикаси Жиноят кодекси
4. Ўзбекистон Республикаси Маъмурий жавобгарлик тўғрисидаги кодекси
5. Ўзбекистон Республикаси Президентининг фармон, қарор ва фармойишлари
6. Вазирлар Маҳкамасининг қарор ва фармойишлари ҳамда вазирлик ва идоралар ҳужжатлари
7. www.lex.uz (норматив ҳужжатлар базаси)
8. www.google.com (butun jahon qidiruv tizimi)
9. www.edu.uz (milliy ta'lim internet portal)